



**Broj/Број:02 –50 –1-51-56/'06  
Sarajevo/Сарајево, 6.4.2006.**

**ZAPISNIK  
56. sjednice Doma naroda  
Parlamentarne skupštine Bosne i Hercegovine,  
6. aprila 2006.godine**

Sjednica je počela u 10,25 sati.

Sjednicom je predsjedavao Mustafa Pamuk, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 14 delegata.

Delegat Goran Milojević opravdao je izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Za 56. sjednicu Doma naroda usvojen je sljedeći dopunjeni i izmjenjeni

**DNEVNI RED**

1. Odgovori na delegatska pitanja i delegatska pitanja;
2. Usvajanje Zapisnika 55. sjednice Doma naroda;
3. Zaključak o stavljanju Amandmana na Ustav BiH na javnu raspravu
4. Zahtjev delegata Hilme Neimarlije za razmatranje Prijedloga zakona o izmjeni zakona o akcizama u Bosni i Hercegovini po hitnom postupku, u skladu sa članom 100. Poslovnika Doma naroda;
5. Davanje saglasnosti za ratifikaciju Ugovora o izmjenama i dopunama na Ugovor o razvojnom kreditu – Projekat upravljanja čvrstim otpadom između Bosne i Hercegovine i Međunarodne asocijacije za razvoj.

**Ad-1. Odgovori na delegatska pitanja i delegatska pitanja**

Odgovor na delegatsko pitanje dobio je Tomislav Limov

Delegat Tomislav Limov izjasnio se da je zadovoljan dobivenim odgovorom.

**Delegat Tomislav Limov** postavio je sljedeća pitanja Vijeću ministara BiH:

1. Pod kojim okolnostima i uz čiju konkretnu pomoć je, 4.4.2006., pobjegao iz kliničke bolnice u Mostaru državljani Republike Hrvatske Antun Katušić koji je skrivio saobraćajnu nesreću u Tasovčićima kod Čapljine, u kojoj je poginulo pet mladih ljudi?
2. Šta su nadležne institucije vlasti u Bosni i Hercegovini preduzele protiv odgovornih lica koje su omogućile navedeno bjekstvo?
3. Do kada će korumpirani, nesavjesni i nesposobni policajci, sudije i medicinski radnici nakažnjeno omogućavati bježanje iz Bosne i Hercegovine raznim kriminalcima, ratnim zločincima i ubojicama?

**Ad-2. Usvajanje Zapisnika 55. sjednice Doma naroda**

Zapisnik 55. sjednice Doma naroda usvojen je jednoglasno.

**Ad-3. Zaključak o stavljanju Amandmana na Ustav BiH na javnu raspravu**

Raspravi o ovoj tački dnevnog reda nije vođena.

Dom naroda jednoglasno je usvojio zaključak o stavljanju Amandmana na Ustav na javnu raspravu.

**Ad-4. Zahtjev delegata Hilme Neimarlije za razmatranje Prijedloga zakona o izmjeni zakona o akcizama u Bosni i Hercegovini po hitnom postupku, u skladu sa članom 100. Poslovnika Doma naroda;**

Na prijedlog predlagača delegata Hilme Neimarlije, Dom naroda jednoglasno je usvojio da se razmatranje ove tačke odgodi za narednu sjednicu Doma naroda.

**Ad-5. Davanje saglasnosti za ratifikaciju Ugovora o izmjenama i dopunama na Ugovor o razvojnom kreditu – Projekat upravljanja čvrstim otpadom između Bosne i Hercegovine i Međunarodne asocijacije za razvoj.**

U raspravi o ovoj tački dnevnog reda učestvovali su: Hasan Čengić, Mustafa Pamuk, Halid Genjac i Tomislav Limov.

Dom naroda je većinom glasova usvojio zaključak da se razmatranje ove tačke odgodi za narednu sjednicu zbog neprisustva predlagača.

Sjednica je završena u 10,50 sati.

Sastavni dio ovog zapisnika je neautorizirani transkript 56. sjednice Doma naroda.

**SEKRETAR**  
**DOMA NARODA**  
Jadranko Tomić

**PREDSJEDAVALAČI**  
**DOMA NARODA**  
Mustafa Pamuk